

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 16, No. 700

原始資料: 蕭鎮國大德提供, 維習安大德提供之高麗藏 CD 經文, 闍學新大德輸入 / Gamblers 大德校對, 北美某大德提供, 三寶弟子提供新式標點

No. 700

右繞佛塔功德經

大周于闐國三藏沙門實叉難陀等奉 制譯

如是我聞：

一時佛在舍衛國祇樹給孤獨園，與大比丘僧及餘無量眾俱，前後圍遶。

爾時長老舍利弗即從坐起，偏袒右肩，右膝著地，合掌向佛，以偈請曰：

「大威德世尊，願為我等說，
右遶於佛塔，所得之果報。」

爾時世尊以偈答曰：

「右繞於佛塔，所得諸功德，
我今說少分，汝等咸善聽。
一切諸天龍，夜叉鬼神等，
皆親近供養，斯由右繞塔。
在在所生處，遠離於八難，
常生無難處，斯由右繞塔。
於一切生處，念慧常無失，
具足妙色相，斯由右繞塔。
往來天人中，福命悉長遠，
常獲大名稱，斯由右繞塔。
在於閻浮提，常生最尊勝，
清淨種姓中，斯由右繞塔。
儀貌常端正，富貴多財寶，
恒食大封邑，斯由右繞塔。
財寶常盈積，而無慳悋心，
勇猛廣惠施，斯由右繞塔。
色相淨微妙，見者皆欣仰，
所住常安樂，斯由右繞塔。
或為忉利王，妻子悉具足，
威勢力自在，斯由右繞塔。」

或作婆羅門，
呪術圍陀典，
或作大長者，
倉廩常豐足，
或作正法王，
率土咸歸化，
或為具七寶，
十善御群生，
從此生天上，
淨信於佛法，
淨信速成已，
見諸行皆空，
從天上捨命，
入胎不迷亂，
在於母胎中，
如淨摩尼珠，
在胎及生時，
飲乳亦復然，
父母及親戚，
乳母常不離，
眷屬皆愛念，
資財自增長，
夜叉諸惡鬼，
所須自然得，
經於百千劫，
妙色相成滿，
淨眼修且廣，
兼得淨天眼，
妙色常圓滿，
成就大勢力，
或生帝釋宮，
忉利天中尊，
或生須夜摩，
化樂及他化，

持戒善通達，
斯由右繞塔。
豪貴多財產，
斯由右繞塔。
自在王閻浮，
斯由右繞塔。
大勢轉輪王，
斯由右繞塔。
常有大威德，
斯由右繞塔。
於法無迷惑，
斯由右繞塔。
下生於人中，
斯由右繞塔。
垢穢所不染，
斯由右繞塔。
令母常安樂，
斯由右繞塔。
一切共鞠養，
斯由右繞塔。
超過於父母，
斯由右繞塔。
不能暫驚怖，
斯由右繞塔。
其身轉清淨，
斯由右繞塔。
猶如青蓮花，
斯由右繞塔。
諸相自莊嚴，
斯由右繞塔。
大威勢自在，
斯由右繞塔。
兜率陀天宮，
斯由右繞塔。

或復生梵天， 梵世最自在，
諸天常供養， 斯由右繞塔。
億那由他劫， 常為諸智人，
恭敬而供養， 斯由右繞塔。
其身及衣服， 億劫常無垢，
具足白淨法， 斯由右繞塔。
具大精進力， 勤修種種行，
未嘗有疲懈， 斯由右繞塔。
勇猛常精進， 堅固不可壞，
所作速成就， 斯由右繞塔。
深遠微妙音， 聞者皆歡喜，
安樂常無病， 斯由右繞塔。
如我所演說， 厭捨三有苦，
成就出世智， 斯由右繞塔。
常在四念處， 及以四正勤，
四如意神足， 斯由右繞塔。
了達四真諦， 根力七覺分，
正道及聖果， 斯由右繞塔。
滅一切煩惱， 具足大威德，
無漏六神通， 斯由右繞塔。
永離貪恚癡， 及一切障礙，
證獨覺菩提， 斯由右繞塔。
得妙紫金色， 相好莊嚴身，
現作天人師， 斯由右繞塔。
皆由以身業， 及語業讚歎，
右繞於佛塔， 獲此大利益。
右繞諸佛塔， 所得諸功德，
我今隨所聞， 略說詎能盡。」

爾時世尊說此偈已，舍利弗等一切眾會，皆大歡喜，信受奉行。

右繞佛塔功德經